

# Okuhola iihwa iiyetithina muulithilo moNamibia

Iihwa iiyetithina yuulithilo inayi kuthwa mo thiluthilo, ihe naye holwe nawa. Omikalo ndhoka tathi longithwa mokuholwa iihwa nadhi longithwe nuukeka opo omudhilingoloko gu kalekwe po. Onkene, iinyangadhalwa ayihe yokukokola iihwa naye tse kumwe nooveta nomautho gokugamena omudhilingoloko ngoka taga wilike okuhola iihwa noku yi longitha pamukalo ngoka taye etele omuntu omauwanawa ngaashi sha thamunwa mOmapitikilo noshowo Omisindalandu dhiinyangadhalwa (2017). Omikalo dhokuhola iihwa tathi landula otadhi vulu okulongithwa:

## Iilongitho yokiikaha



Okukondolola iihwa niikaha otashi ti okulonga iilonga iishona ya kindja notayi pula ethimbo ele. Aaniilonga otaa kuthwa e taa longitha iilongitho yokoonyala ngaashi omakuya, oombike, iisaaha nomakatana. MoNamibia ombike yokuteta iihwa nomakuya oyo iilongitho hayi longithwa unene mokuteta omti. Okuteta omti niikaha oku na uwinayai uushona lela komudhilingoloko. Ashike ngele omukalo nguka inagu tonatelwa nawa nenge aateti inaa dheulwa nawa, otashi vulika iihwa nomiti ndhoka dhaa na okutetwa po dhi tetwe po papuko.

- Okuteta iihwa niilongitho yokiikaha otaku etitha omuntu a tete owala omti ndhoka a hala okuteta notaku kaleke po omudhilingoloko gu li nawa, ihe ogwo gumwe gwomomikalo dhokuteta iihwa hagu ende kashona noonkondo nongele kapu na onduge yokulongitha iihwa pamahupilo, omukalo nguka otagu vulu okupula ondilo noonkondo.
- Aaniilonga oya pumbwa okudheulwa nawa opo okuhola omti ku kale taku tsu kumwe nomautho guuteku womithitu nomautho guundjowele nogegameno.
- Opo iihwa yaa tutume, omathinde oge na okutulwa uuzigo womiti nenge okufulwa mo mevi.
- Iihwa ngaashi Omunkono, Omutsiyatsi no musati otadhi vulu okututuma shaa dha tetwa, onkene, odha pumbwa okuungangwa nadho opo kaadhi tutume we.

## Omautho ga simana gokuholwa iihwa

### → Thiga po omti dhomaludhi/ niihwa yomaludhi gayoolokathana ←

Melundu omu na okukala omti dha yoolokathana, (mwa" kwatelwa niihwa iithiniki yuulithilo) dhuunene wa yoolokathana. Pokati kiihwa nomiti napu kale omahala geeguluka omahala gamwe gaa na sha nagamwe ga thita. Shika otashi pe iimuna ompito yi kale yi na omalukalwa ga yoolokathana.

### → Kokola iihwa onkatu nonkatu ←

Yanda okupiyaganeka evi nokulundulukila osheendelela okuza mehala lya thita to yi mehala li likomuntundulu.

### → Omti dha gamenwa inadhi tetwa po ←

Otashi vulika ngaa ku gandjwe eethelo uuna ehala lya thita noonkondo tashi ningwa metotatelo lyaanambelwa yUuteku wiihwa.

### → Ngele otaku longithwa omti dhokudhipaga iimeno, omafo nomakota ogo taku popiwa ga pombelwe ←

Uuholo inawu longithwa shaashi ohawu kungululwa komeya shaa omvula taye loko e tawu yi momahala ngoka inaaga odhekwa (omahala ngoka inaaga pumbiwa).

### → Momilamba dha kukuta ohamu kala omti odhindji nominene ←

Omautho gUuteku wOmithitu otaga ti omti inadhi holwa meni lyometa 100 lyomlonga. Okuhola omti dhimwe okwa pumbiwa momahala gomilonga ngono ga thita noonkondo, ihe omuntu oku na okuthiga po omti odhindji dhi vule ndhoka dhi li pooha. Osha pumbiwa okuthiga omti ominene pomunkunkulo gwomulonga. Omti ngono gu na okuvudhwa thilu ogwo ngoka gwedhina Prosopis, ngoka hagu piyaganeka omilamba dhomulonga.

### → Edheulo lyaaniilonga olya pumbiwa manga iilonga yoku hola omti inaayi tameka ←

Aaniilonga oya pumbwa okutsetya kutya omti dhini dhi na okutetwa po nodhini itaadhi vulu okutetwa po. Aaniilonga oya pumbwa okutonatelwa opo uuna taa tetagula po omti nenge taa dhipaga po omti haadho dhi na okutetwa/okudhipaga shi nongelwe e taya pukululwa.

## Okuhola iihwa nokashina kokomake wokoonyala



Okukondolola iihwa nokashina kokomake oko omukalo gulwe gwokukondolola iihwa moka omuntu ta longitha oshilongitho hashi kwatwa nenge hashi undulwa niikaha opo iihwa yi tetwe po. Omukalo nguka otagu vulu okulongithwa mokuholola po ikulya yiimuna, omakala niilongomwa yilwe shaashi moku gu longitha oto hogolola shi wa hala okuteta naishewe ogwa nuka po gu vule omukalo gwokuteta noonyala. Iilongitho hayi longo kolusheno ngaashi uushina wokusaaha, uutetithu nuutololi wokusaaha oyi na oshilonga shaa taye longithwa kaaniilonga ya dheulikika. Ohayi monika nuudhigu nolundji oya pumbwa aantu yaali nenge oyendji moshilongitho shimwe, opo ku shunithwe pevi ompito yokumona oshiponga nokuyelulwe ondjunju miilonga.

- Uushina wokutetitha wa shigakana nenge wu ukilila ohawu longwa moshilongu nohawu longithwa unene mokuhololola iihwa moNamibia.
- Omikalo dhokulongitha uushina wokiikaha otadhi vulu okulongithwa lela mokuteta po iihwa yimwe po, ashike, omukalo nguka ogwa pumbwa aaniilonga ya dheulikika opo ku shilipalekwe egameno noku siwe wo oshimpwiyu opo iihwa mbyoka yaa na okutetwa nomiti dhaa tetwe po pamupya.
- Omukalo gwokukondolola iihwa niilongitho nuushina wokomake ogwo omukalo gwokuhola iihwa gu na ondilo nogu na okweendela pamwe nokulundulila iiti mondondo yomahupilo.

## Okulongitha omashina omanene



Iihwa iithiniki yuulithilo otayi vulu okukelelwa/ okuholwa nomashina omanene ge na omatayela nenge omalyenge noga tulwa omayego, iisaaha, iikonde, iinani niithethengi niilongitho yilwe.

Omukalo gwokuteta omti nomashina gwi ihwa po otagu lalakanene okuteta nenge okuhola iihwa oyindji. Okuteta omti nomashina ohaku longithwa iilongitho ya yoolokathana ngaashi ekalapala, nekalapala lyoshikana, embakumbaku kondjeke, embakumbaku lyongalo, kamalyenge e na oshisaaha niitetitho, embakumbaku yokuundula po omti, nembakumbaku yokulyata iihwa.

Omikalo dhimwe dha dhenga mbanda dhokuhola ethito iyihwa odha thamunwa mokambo kedhina iilongitho yokuteta omti omithiniki dhuulithilo moNamibia (GIZ, 2015). Elongitho lyomashina okukelela ethito lyihwa oli, ikolelela kiinima oyindji ngaashi ehala, ofuto, omukalo gwokulonga, oshinano shokuya komashingithilo (tashi opalele iilonga yokuteta omti) okwiyutha komautho gokukalekapo omudhilingoloko. Omukalo gwi ihwa po gwokuhola iihwa ogwa pumbwa aaniilonga ye na uunongo noya dheulikika naatonateli ya pyokoka opo ya tonatele omudhilingoloko gu kwatwe nawa. Omukalo gwo kuhola iihwa niikwamashina otagu vulu okweeta okuteta pwa na ondjooolola, epiyaganeka lyevi lyapitilila, omapeya go mbaadhilila nokunyateka evi nomahooli, noomaupyakadhi galwe.

## Okukelela ethito niikwaushitwe



Okukondolola iihwa niikwaushitwe otashi ti okulongitha iikwaushitwe ngaashi oshushi, iinamwenyo osho wo omapeya gatonatelwa yomeshito ngaashi okugugulwa po nomulilo taye longithwa yi kondolole uushitwe.

Elongitho lyiinamwenyo mbyoka hayi napa ngaashi iiyamakuti, iikombo noonzi yi nape po iihwa ogwo omukalo kamana hagu longithwa mokugugula omahala, konima ngele iihwa ya kokolwa lwotango.

Okuhola iihwa niikwaushitwe otaku vulu wo okuningwa taku longithwa uunamwenyo nenge uumeno ngaashi Oshushi shedhina Phoma glomerata. Ashike, oonkambadhala dhokulongitha Oshushi mokukelela ethininiko lyuulithilo kiihwa odha kala tathi kanda omapunya sigo onena. Uunamwenyo uushona otawu vulu okulongithwa mokwooleka, omti ndhi dha tetwa, omathindi nomidhi.

Oshushi niimeno yimwe iikwauzigo nonondo inayi konakonwa nawa nokaku niwe uumbangi muyo otayi vulu okudhana onkandangala onene mokuholwa iihwa monakuyiwa.

## Omti dhokuhola iihwa



Okuhola iihwa nomiti otashi ti okulongitha omti dhokuhola iihwa to dhi tsinine kekota lyomiti, komafu nenge pevi opo wu dhipage iihwa. Omti ndhika odhi na uuzigo wokudhipaga iihwa. Okutsinina iihwa nomiti wu li mondhila yi li mombanda ogwo omukalo gwonale gwali hagu longithwa kaanaaalamo nogwa talika gwa nika oshiponga nogwa na nondjooolola, onkene ogwi indikwa koveta yUuteku womithitu yomomumvo-2015 (ndjoka ya kankamekelwa kOveta yUuteku wOmithitu yomo -2001), ndjoka ya pitika owala elongitho lyidhipagi meno eshona. Ondando yokulongitha omti oyi ikolelela kehala ndyoka li na okutsinina, mwa kwatelwa okuthita, uunene nomaludhi giihwa, oludhi lwevi noludhi lwomiti tathi longithwa.

Omti otadhi vulu okulongithwa pamikalo tathi landula:

- Oku gu pombela mevi nenge pevi
- Oku gu pombela komafu gomuti
- Oku gu pombela komakota nokiithindi mbyo ya tetwa

Omautho gUuteku wOmithitu otaga ti omti dhokudhipaga iihwa ndhoka dha pitikwa, odho tathi longithwa.